

嘆迷惑

東來西去覓真詮自己靈明總未全萬法萬緣如萬象須知同
是一般天

贈大策楊先生

一點無生混香茫託胎順化養和光緣深悟得全眞理法道開
宗處處香

因門人不語

百行樞機總五常不言之教滿空香潛心觀察眞玄妙默默昏
昏理最長

憶萊陽宋二先生

道藏輯要

雲光集

卷

胃集九
川
八
川

鶴馭雲輶信不通幾時迴步玉虛中松窗雨過琴書靜終日無
人話本宗

勸行孝道

一心孝道順三光芒志精研滅管殃今古昏魔都絕盡鍊眞去
假變清涼

本州醮罷贈眾道友

雅命相邀入本州醮筵預備廣圓周志誠修累眞功德同往蓬
壺看十洲

密州千戶請爲黃錄濟度師醮罷贈之

清廉孝道鬼神驚上祝諸天攝萬靈聖水甘膏同普濟沈魂滯

魄出幽冥

密州官員市戶舉請修完佑德觀

佑德興隆總不難預觀和氣已回環始終如一功圓就有分仙
階列上班

勸化大眾興修

併力齊心勿訴難興修福地會仙壇爭功奪行遷雲職觸目無
私暗結丹

贈密州李都目

都目先生厭世塵丹誠佑德結良因其間供養蒙周備福慶從
來賜吉人

道藏輯要

雲光集

五

胃集九
川川人

嘆人未悟

十類羣生苦海中痛嗟誰肯立仙功指迷幸有全真理隨處修
完道合同

諸生醮罷示眾

無相無爲一點眞普同供養大羅尊萬靈慶悅承超度出離陰
囚五苦門

示門人

透體光輝照室明一輪圓相沒虧盈方知便是眞元祖永脫沈
淪應化生

密州崔道常猛烈出家贈之